

# 田氏族谱原序

谱之立，永垂后裔，效先人之志，立忠孝之心，传家维和，耕读为勤，光前裕后兰桂腾芳。

谱之立，原委远近，班次不一，今后照谱刊版，取字不得任意自为，照谱施行。

谱之立，有无嗣者，或同姓异姓接代而谱书所载世代属其子孙。

谱之立，有同姓异宗者，历代宗亲根远，不得徇私顺情冒宗入祖。

谱之立，如先代之仆发积有子孙者，任他富贵荣华不许上谱入祖。

谱之立，有移外境者，子孙不能相识，归宗相会诉其前根相同，载谱入祖。

谱之立，今议以后新取字班不得同前旧字，以致孙犯祖讳，各遵新派施行。

盖闻物本乎天，人本乎祖，祖由于谱，谱之不立，未有数代而不忘也。况水出有源，木生有根，天下之通义也。

祖由于前，迄发于后，昭穆当宜叙也。尚有祖移外境者，程隔遥远，耳闻十排之根，未得前人实由，如立新谱，恐有失错，不得外于此也，余今照十排楼之老谱，原根叙立。庶是远近得明，不得错失宗支，方知前人真由，后人择字取班刊谱，远近遵行，重振家风，瓜迭绵绵，今将前朝祖功逐一呈列于后。

历代先朝之时，而宗祖之功绩实为可嘉，阅古鑑典籍之册。而我氏之列朝名标金榜夫。田出乎陈，自陈敬仲奔齐之时，皇恩陞功，封姓田氏，历代授爵，家无白丁。田僻疆登王尊九五，国号齐宣王；田游岩居相位，告老不仕，隐嵩山，圣驾亲谒，君臣泪别；田何身进工部，善易学，皇恩赐匾，御笔亲书为易学堂；田文官至翰林：田襁苴封军师，三韬六略，兵机没测；田七巨富。生三子，子孙百十余口，家和不分，庭栽紫荆：田光官陞学士：田叔夜身进督堂；田锡挂印中军，皇诏请起歌文；田广、田增兴薤露唱挽歌；义士田横、田令孜扶朝纲；田单七步成章；田僻生九子俱已登科。历代祖功难以赞扬。

祖由山东青州府益都县上门土地人氏，后移江西吉安府吉水县雁门关紫荆园洪都祠下焉。后至田贵张氏生三子，长田万州往云南，三子田万三，次子田万川身进黉门，善堪輿，漂流江湖，游至辰河清浪，贸易数载，财发万金，寻查阳宅至北河口鸭子坪十排柳居住落业，娶室赵氏生二子，长田生光李氏，晚田生辉颜氏，光生田逢稔张氏，身登进士，辉生田逢秋宋氏，曾任江南左府堂。生子田洪祖周氏曾任四川知府，奉旨督运皇木，同男田有稻前至外洞，洪水大发，山崩地裂，淹人无数，有稻虔心许愿，黑神显圣救护，一路清吉进京归家，立庙于峰，每逢五月十五日祭祀酹谢，运木有功，以致成例。其右以前之祖，年远难以得详，今乃将万川公为起祖，逐一呈列于后.....

万川公第四十五世孙田通六李氏生九子，田云星、田云徙、田云月、田云明、田云亮、田云龙、田云虎、田云凤、田云满，

兄弟九人善为说辞，修造十座排楼，威风盛大，上取皇木，亦应田氏取京兼赴科，连中举人三名，倚势踢打县令，私卖皇木，府道申通上司，建文二年腊月三十日发兵捉拿，兄母预知，于二十八日祭祖，过年夜乃四方逃藏，分别之时将牛角为记，分为九节，各执一节，存昭后来子孙相会，比节方知大小房数。其云徙后住仰溪铺。田云星生五子田副一、二、三兄弟往洪江，副四往辰溪县地名大坪，田副五张氏生田居八陈氏住清水铺。田云月进北河，身中乡魁。田云明文林郎，至宝庆。田云亮岁进士，往九都。田云龙乡魁，往乾州。田云虎文学，往泸溪县。田云风，未详。田云满，青岩洞。

——摘自《田氏谱书》，道光十二年立造(公元1832年)，  
造谱首士田国盈。有删节，标点是编者加的